



Broj predmeta: 05-04.1-1484/24
Brčko, 18. 11. 2024. godine

Na osnovu člana 31. Zakona o javnoj upravi Brčko distrikta BiH („Službeni glasnik Brčko distrikta BiH“, broj: 25/20 – prečišćeni tekst), člana 18b. Zakona o administrativnim taksama Brčko distrikta BiH („Službeni glasnik Brčko distrikta BiH“, brojevi: 21/15, 19/07, 02/07 i 17/08 i 18/13), člana 3. Odluke o puštanju u opticaj i distribuciju administrativnih taksenih marki jedinstvene emisije broj: 02-000275/13 od 27. 6. 2013. godine, člana 2. Uputstva o načinu distribucije i evidencije administrativnih taksenih marki, broj: 02-04.1-1176/21 od 26. 4. 2022. godine, direktor Direkcije za finansije Brčko distrikta BiH r a s p i s u j e

**JAVNI POZIV
ZA SKLAPANJE UGOVORA O DISTRIBUCIJI ADMINISTRATIVNIH TAKSENIH MARKI U
BRČKO DISTRIKTU BiH**

Član 1.

Pozivaju se sve pošte, banke i knjižare da sa Brčko distriktom BiH sklope ugovor o distribuciji administrativnih taksenih marki u Brčko distriktu BiH.

I. Predmet: Distribucija administrativnih taksenih marki u Brčko distriktu BiH apoenske vrijednosti 1 KM, 2 KM, 5 KM, 10 KM i 50 KM s poštama, bankama i knjižarama koje ispune uslove iz ovog javnog poziva; Brčko distrikt BiH zaključit će ugovor o distribuciji administrativnih taksenih marki na period od 24 mjeseca.

Direkcija za finansije izdaje taksene marke na pismeni zahtjev distributera. Ukupna nominalna vrijednost taksenih maraka na koju se zahtjev odnosi ne može biti manja od 2.000 KM. Na osnovu zahtjeva distributera Direkcija za finansije izdaje predračun umanjen za 10%, što predstavlja naknadu distributeru za izvršeni posao u skladu s Odlukom o puštanju u opticaj i distribuciju administrativnih taksenih marki jedinstvene emisije. Nakon izvršene uplate po predračunu, a uz dokaz o istoj, vrši se izdavanje taksenih marki, odnosno preuzimanje istih od strane distributera.

Banka, pošta ili knjižara s kojom se ugovor potpisuje pružat će usluge:

od: od dana potpisivanja ugovora

do: isteka perioda od 24 mjeseca.

II. Dokumentacija za učešće: Uz prijavu na javni poziv za sklapanje ugovora potrebno je dostaviti sljedeće dokaze:

- a) izvod iz sudskog registra ili, ako ovo nije moguće onda ekvivalentni dokument koji izdaje nadležni sudski ili organ uprave u BiH ili u zemlji porijekla ili zemlji iz koje taj dobavljač dolazi, s ciljem dokazivanja da nije pod stečajem ili pred likvidacijom, niti da je ušao u određeni aranžman s povjeriocima, ili ograničio poslovne aktivnosti, niti da je u analognoj situaciji koja proističe iz sličnog postupka u skladu s relevantnim zakonima i propisima u BiH ili u zemlji u kojoj je registrovan;
- b) uvjerenje izdato od ovlaštenog organa u BiH ili u bilo kojoj drugoj zemlji s ciljem dokazivanja da je ispunio obaveze u vezi s plaćanjem doprinosa za socijalno osiguranje, a koje obuhvata penzijsko-invalidsko i zdravstveno osiguranje u skladu s relevantnim zakonskim propisima u Bosni i Hercegovini ili zemlji u kojoj je registrovan;

- c) uvjerenje izdato od ovlaštenog organa u BiH s ciljem dokazivanja da je ispunio obaveze u vezi s plaćanjem poreza, a koje obuhvata direktne i indirektne poreze, u skladu s relevantnim zakonskim odredbama u Bosni i Hercegovini.

Ukoliko navedena dokumentacija ne bude dostavljena, ponuđač neće učestvovati u postupku odabira za dodjelu ugovora za distribuciju administrativnih taksenih marki.

II.1. Dokumenti i uvjerenja navedena u tački II. Dokumentacija za učešće, ne smiju biti stariji od 3 mjeseca, računajući od trenutka zatvaranja javnog poziva. Dokazi koji se zahtijevaju moraju biti originalni ili ovjerene kopije nadležnog organa.

III. Ocjena ponuda: Pristigle ponude ocijenit će komisija koju imenuje gradonačelnik Brčko distrikta BiH, a o rezultatima ocjene učesnici će biti obaviješteni najkasnije u roku od 15 dana od dana zatvaranja javnog poziva. Ugovor o distribuciji administrativnih taksenih marki bit će zaključen u roku od 15 dana od datuma donošenja odluke o dodjeli ugovora.

IV. **Rok trajanja poziva:** Javni poziv ostaje otvoren 15 dana od dana objave i bit će objavljen na web stranici Vlade Brčko distrikta BiH.

V. **Pripreme ponude:** Učesnici su obavezni da pripreme ponude u skladu sa zahtjevima koji su navedeni u ovom javnom pozivu. Ponude koje nisu u skladu s ovim javnim pozivom bit će odbačene kao neprihvatljive.

Sva dokumentacija treba da bude složena po redoslijedu iz javnog poziva te uvezana.

Kontakt-osoba: Zijo Kosovac, kontakt-telefon: 066 / 804-526

VI. **Dostavljanje ponuda: Ponude se dostavljaju najkasnije do isteka 15-og dana od dana objavljivanja u dnevnim novinama, putem protokola Direkcije za finansije Brčko distrikta BiH, ul. Miroslava Krleže br. 1, s naznakom „NE OTVARATI“.**

DOSTAVITI:

1. Za oglasnu ploču Vlade Brčko distrikta BiH,
2. Sektoru za informacione tehnologije,
3. Arhivi.

Direktor Direkcije
Janja Geljić, dipl. oec.